



UPNM

National Defence University of Malaysia
Kewajipan • Maruah • Integriti

Pejabat Timbalan Naib Canselor
(Akademik dan Antarabangsa)

Deputy Vice Chancellor (Academic and International) Office



Aras 1, Bangunan Canselori
UPNM, Kem Perdana Sungai Besi
57000 Kuala Lumpur, Malaysia

+603-9051 3420/3421/3422

+603-9056 5411

tnc.heaa@upnm.edu.my

www.upnm.edu.my

Rujukan Kami: UPNM(TNC)(A)01.03/04 (6)
Tarikh : 23 Februari 2024

PEKELILING AKADEMIK BILANGAN 1/2024

SEMUA STAF UPNM

Yang Berbahagia Datuk / Dato' / Prof. / Prof. Madya / Dr. / Tuan / Puan,

PEMAKAIAN PEKELILING PENTADBIRAN BILANGAN 1 TAHUN 2023 JABATAN PENDIDIKAN TINGGI BERKAITAN TATACARA PENGANUGERAHAN IJAZAH KEHORMAT OLEH UNIVERSITI AWAM (UA) DI UNIVERSITI PERTAHANAN NASIONAL MALAYSIA (UPNM)

Dengan segala hormatnya saya merujuk kepada perkara di atas.

2. Dimaklumkan bahawa Mesyuarat Lembaga Pengarah Kali Ke-54, Bilangan 4 Tahun 2023 bertarikh 22 November 2023 telah meluluskan pemakaian Pekeliling Pentadbiran Bilangan 1 Tahun 2023 Jabatan Pendidikan Tinggi berkaitan Tatacara Penganugerahan Ijazah Kehormat oleh Universiti Awam (UA) di Universiti Pertahanan Nasional Malaysia (UPNM).

3. Justeru, dilampirkan **Pekeliling Akademik Bilangan 1 Tahun 2024** yang menerangkan tentang pemakaian pekeliling tersebut untuk makluman, perhatian dan tindakan pihak Yang Berbahagia Datuk / Dato' / Prof. / Prof. Madya / Dr. / Tuan / Puan selanjutnya. Dimohon agar pekeliling ini dipanjangkan kepada semua pihak berkepentingan di Fakulti/ Pusat Akademik masing-masing.

4. Segala perhatian dan kerjasama Yang Berbahagia Datuk / Dato' / Prof. / Prof. Madya / Dr. / Tuan / Puan berhubung perkara ini amatlah dihargai dan didahului dengan ucapan terima kasih.

Sekian.

“MALAYSIA MADANI”
“BERKHIDMAT UNTUK NEGARA”
“KEWAJIPAN, MARUAH, INTEGRITI”

Saya yang menjalankan amanah,

NURUL FIZANI BINTI ZAABAH

Penolong Pendaftar

Pejabat Timbalan Naib Canselor (Akademik dan Antarabangsa)
Universiti Pertahanan Nasional Malaysia

No. Rujukan: UPNM(TNC)(A)01.03/04 (6)



UPNM
National Defence University of Malaysia
Kewajipan • Maruah • Integriti

**PEKELILING AKADEMIK
BILANGAN 1 TAHUN 2024**

**PEMAKAIAN PEKELILING PENTADBIRAN BILANGAN 1 TAHUN 2023
JABATAN PENDIDIKAN TINGGI BERKAITAN TATACARA
PENGANUGERAHAN IJAZAH KEHORMAT OLEH UNIVERSITI AWAM DI
UNIVERSITI PERTAHANAN NASIONAL MALAYSIA (UPNM)**

Pejabat Timbalan Naib Canselor (Akademik dan Antarabangsa)
23 Februari 2024

Disalinkan kepada:

Naib Canselor
Timbalan Naib Canselor (Akademik dan Antarabangsa)
Timbalan Naib Canselor (Hal Ehwal Pelajar dan Alumni)
Timbalan Naib Canselor (Penyelidikan dan Inovasi)
Pendaftar
Bendahari
Ketua Pustakawan
Penasihat Undang-Undang
Penolong Naib Canselor (Jaringan Industri dan Perhubungan Korporat)
Penolong Naib Canselor (Pengurusan Projek dan Pembangunan Strategi)
Penolong Naib Canselor (Penyelidikan dan Inovasi)
Penolong Naib Canselor (Pembangunan dan Kualiti Akademik)
Pegawai-Pegawai Kanan

UNIVERSITI PERTAHANAN NASIONAL MALAYSIA

UPNM(TNC)(A)01.03/04 (6)

23 FEBRUARI 2024

PEKELILING AKADEMIK BIL. 1/2024

PEMAKAIAN PEKELILING PENTADBIRAN BILANGAN 1 TAHUN 2023 JABATAN PENDIDIKAN TINGGI BERKAITAN TATACARA PENGANUGERAHAN IJAZAH KEHORMAT OLEH UNIVERSITI AWAM DI UNIVERSITI PERTAHANAN NASIONAL MALAYSIA (UPNM)

1.0 TUJUAN

Pekeliling Akademik Bil.1/2024 ini dikeluarkan untuk memaklumkan kepada semua staf Universiti Pertahanan Nasional Malaysia mengenai pemakaian Pekeliling Pentadbiran Bilangan 1 Tahun 2023 Jabatan Pendidikan Tinggi berkaitan Tatacara Penganugerahan Ijazah Kehormat oleh Universiti Awam (UA) di Universiti Pertahanan Nasional Malaysia (UPNM) yang telah mendapat kelulusan Mesyuarat Lembaga Pengarah Kali Ke-54, Bilangan 4 Tahun 2023 pada 22 November 2023.

2.0 LATAR BELAKANG

- 2.1 Pekeliling Pentadbiran Bilangan 1 Tahun 2021 Jabatan Pendidikan Tinggi berkaitan Penganugerahan Ijazah Kehormat oleh Universiti Awam (UA) telah diluluskan oleh Senat UPNM melalui edaran dan Mesyuarat Lembaga Pengarah Universiti Ke-49, Bilangan 3 Tahun 2022 bertarikh 5 Oktober 2022.
- 2.2 Walau bagaimanapun, bagi memenuhi hasrat universiti untuk mengiktiraf jasa, sumbangan dan kecemerlangan tokoh dalam bidang berkaitan, Jabatan Pendidikan Tinggi (JPT) telah menambah baik Pekeliling sedia ada dengan menambah bahagian berkaitan kriteria penganugerahan dan tatacara penggunaan gelaran (Dr.) bagi penerima Ijazah Kehormat Kedoktoran.

3.0 PENDAHULUAN

- 3.1 Kementerian Pendidikan Tinggi (KPT) sentiasa akan usaha-usaha UA untuk mengiktiraf jasa, sumbangan dan kecemerlangan tokoh dalam dan luar negara serta pembesar negara dan pembesar negara asing, dengan menganugerahkan Ijazah Kehormat kepada mereka yang berkenaan.
- 3.2 Dalam hal ini, Perkara 4(1)(e) Jadual Pertama Universiti dan Kolej Universiti 1971 (Akta 30) telah memperuntukkan bahawa universiti mempunyai kuasa untuk memberikan Ijazah Kehormat kepada orang yang telah memberikan sumbangan terhadap kemajuan atau penyebaran pengetahuan atau yang telah berbuat jasa cemerlang kepada awam.
- 3.3 Penganugerahan ini boleh diberikan semasa Majlis Konvokesyen Universiti atau dalam mana-mana upacara atau istiadat lain yang dianggap sesuai oleh Universiti Awam (UA).

4.0 TAFSIRAN BAGI MAKSUD PEKELILING PENTADBIRAN BILANGAN 1 TAHUN 2023 JABATAN PENDIDIKAN TINGGI

- 4.1 **“Ijazah Kehormat”** adalah ijazah yang dianugerahkan sebagai penghargaan kepada individu yang telah memberikan sumbangan terhadap kemajuan atau penyebaran pengetahuan atau yang telah berbuat jasa cemerlang kepada awam.
- 4.2 **“Anggota Pentadbiran”** adalah seseorang yang memegang jawatan sebagai Menteri, Timbalan Menteri, Setiausaha Parlimen atau Setiausaha Politik bagi maksud Persekutuan. Manakala, bagi maksud sesuatu negeri, adalah seseorang yang memegang sesuatu jawatan yang bersamaan di dalam negeri itu atau yang memegang jawatan sebagai anggota Majlis Mesyuarat Kerajaan (selain anggota kerana jawatan).
- 4.3 **“Ketua Perkhidmatan”** bermaksud pegawai yang mengetuai sesuatu perkhidmatan.

5.0 TANGGUNGJAWAB UNIVERSITI

- 5.1 Memastikan penerima Ijazah Kehormat adalah layak berdasarkan sumbangan dan jasa terhadap kemajuan atau penyebaran pengetahuan kepada awam. Pada masa yang sama, UA perlu memastikan

penganugerahan **tidak diberikan** kepada Anggota Pentadbiran dan Ketua Perkhidmatan yang masih memegang jawatan dalam perkhidmatan awam bagi mengelakkan salah tanggapan daripada umum dan konflik kepentingan. Penganugerahan juga tidak boleh diberikan kepada individu yang masih berkhidmat dengan institusi berkenaan.

- 5.2 Penggunaan gelaran Doktor (Dr.) oleh penerima Ijazah Kehormat yang tidak memiliki Ijazah Doktor Falsafah (Ph.D) adalah dibenarkan dalam sebarang majlis dan penerbitan sebagai pengiktirafan terhadap sumbangan dan kecemerlangan tokoh dalam bidang berkaitan. Walau bagaimanapun, gelaran tersebut hendaklah ditulis dalam kurungan (Dr.) bagi membezakannya daripada penerima Ijazah Ph.D.
- 5.3 Memastikan penganugerahan Ijazah Kehormat ini tidak memberi sebarang implikasi negatif kepada dasar sedia ada negara dan tiada penyalahgunaan terhadap gelaran Ijazah Kehormat tersebut, sebarang permohonan bagi penganugerahan perlulah dikemukakan kepada Jabatan Pendidikan Tinggi (JPT) untuk perakuan YB Menteri Pendidikan Tinggi sebagaimana dinyatakan dalam Tatacara Permohonan Perakuan.
- 5.4 Penganugerahan Ijazah Kehormat ini tidak perlu dibawa kepada Jemaah Menteri untuk kelulusan sebagaimana yang dinyatakan di Perkara 4.1 Arahan Setiausaha Jemaah Menteri Bilangan 1 Tahun 2021 iaitu Perkara-Perkara yang Memerlukan Penyediaan Memorandum.

6.0 TATACARA PENGGUNAAN GELARAN (Dr.) BAGI IJAZAH KEHORMAT KEDOKTORAN

6.1 Penggunaan Singkatan Anugerah

Gelaran tersebut hendaklah ditulis dalam kurungan (Dr.) bagi membezakannya daripada penerima Ijazah Ph.D.

Contoh penggunaan singkatan Ijazah Kehormat Persuratan:

BM – YBhg. Dato' (Dr.) xxxxxxxxxxxxxxxxx

6.2 Salutasi Dalam Majlis

Salutasi Doktor hanya dihadkan dalam majlis-majlis universiti yang menganugerahkan Ijazah Kehormat tersebut sahaja.

7.0 TATACARA PERMOHONAN

- 7.1 Permohonan yang lengkap perlu dikemukakan kepada JPT selewat-lewatnya enam (6) bulan sebelum tarikh penganugerahan. Kertas cadangan bagi maksud permohonan adalah sebagaimana yang dinyatakan pada **Lampiran A**.
- 7.2 Carta alir bagi maksud proses kerja seperti di **Lampiran B**.

8.0 KRITERIA AM DAN KHUSUS BAGI PENGANUGERAHAN IJAZAH KEHORMAT

- 8.1 Sumbangan calon perlu dinyatakan dalam justifikasi penganugerahan sebagaimana yang disenaraikan dalam Kriteria Am dan Khusus bagi Penganugerahan Ijazah Kehormat seperti di **Lampiran C**.

9.0 PEMAKAIAN

- 9.1 Pekeliling Bilangan 1 Tahun 2023 Jabatan Pendidikan Tinggi adalah terpakai bagi semua UA.

10.0 PEMBATALAN

- 10.1 Dengan berkuatkuasa Pekeliling Pentadbiran ini, perenggan 7 yang dinyatakan dalam Pekeliling Pentadbiran Bilangan 1 Tahun 2021 Jabatan Pendidikan Tinggi seperti berikut **adalah dibatalkan**:
- 10.1.1 Penggunaan gelaran Doktor (Dr.) bagi penerima Ijazah Kehormat yang tidak memiliki Ijazah Doktor Falsafah (Ph.D) hanya dihadkan dalam majlis-majlis universiti sahaja seperti dalam buku konvokesyen, laman web universiti dan sebagainya; dan
- 10.1.2 Penerima Ijazah Kehormat tidak dibenarkan menggunakan gelaran tersebut di hadapan namanya untuk kegunaan awam, kecuali mereka yang telah berjaya memperolehi Ijazah Doktor Falsafah (Ph.D).

11.0 PUNCA KUASA DAN RUJUKAN

11.1 Mesyuarat Lembaga Pengarah Kali Ke-54, Bilangan 4 Tahun 2023 bertarikh 22 November 2023.

12.0 TARIKH KUAT KUASA

12.1 Pekeliling ini berkuat kuasa mulai **14 Jun 2023** seperti mana yang dinyatakan dalam surat edaran JPT rujukan JPT.S(G)2000/011/031 Jld. 8 (34) bertarikh 14 Jun 2023.

Sekian, terima kasih.

"MALAYSIA MADANI"

"BERKHIDMAT UNTUK NEGARA"

"KEWAJIPAN MARUAH INTEGRITI"

Saya yang menjalankan amanah,



PROF. Ts. DR. MUHD ZUAZHAN BIN YAHYA

Timbalan Naib Canselor (Hal Ehwal Pelajar dan Alumni)

Merangkap Menjalankan Fungsi Timbalan Naib Canselor (Akademik dan Antarabangsa)
Universiti Pertahanan Nasional Malaysia

TATACARA PERAKUAN BAGI PENGANUGERAHAN IJAZAH KEHORMAT KEPADA TOKOH DALAM NEGARA / TOKOH LUAR NEGARA / PEMBESAR NEGARA / PEMBESAR NEGARA ASING

1. Pihak UA boleh mengemukakan permohonan untuk sebarang cadangan penganugerahan Ijazah Kehormat kepada mana-mana tokoh dalam negara/ pembesar negara/ pembesar negara asing kepada Kementerian Pendidikan Tinggi (KPT) untuk semakan dan penyelarasan lanjut.
2. Sehubungan dengan itu, UA perlu mengemukakan kertas cadangan penganugerahan Ijazah Kehormat yang mengandungi maklumat-maklumat berikut:

2.1 Bahagian A: Maklumat Permohonan


- a) Tujuan
Perlu dinyatakan dengan jelas tujuan kertas pertimbangan disediakan.
- b) Latar Belakang
Perlu dinyatakan maklumat-maklumat seperti berikut:
 - i) Maklumat calon;
 - ii) Maklumat jenis pencalonan;
 - iii) Tarikh majlis penganugerahan; dan
 - iv) Kelulusan Senat dan Lembaga Pengarah.
- c) Justifikasi penganugerahan
Sumbangan dan impak calon seperti pada **Lampiran C**; dan
- d) Syor.

2.2 Bahagian B: Dokumen sokongan

- a) **Lampiran I:** Cabutan Minit Mesyuarat Senat dan LPU mengenai kelulusan penganugerahan Ijazah Kehormat berkaitan;
- b) **Lampiran II:** Biodata calon (termasuk maklumat kewarganegaraan calon);
- c) **Lampiran III:** Ulasan daripada Kementerian Luar Negara (KLN) bagi calon luar negara; atau

- d) **Lampiran IV:** Ulasan daripada Kementerian Dalam Negeri (KDN) atau semakan keselamatan Polis Diraja Malaysia (PDRM) / semakan integriti daripada Suruhanjaya Pencegahan Rasuah Malaysia (SPRM) dan laporan insolvensi daripada Jabatan Insolvensi Malaysia (MDI) bagi calon dalam negara; dan
 - e) **Lampiran V:** Maklumat-maklumat lain (sekiranya ada).
3. Kertas kerja dan dokumen sokongan perlu disertakan bersama-sama permohonan bagi maksud semakan kredibiliti oleh Jabatan Pendidikan Tinggi (JPT).
 4. Bagi maksud penganugerahan Ijazah Kehormat kepada tokoh luar negara dan pembesar luar negara, cadangan penganugerahan tersebut perlu disekalikan dengan ulasan daripada KLN.
 5. Manakala bagi maksud penganugerahan Ijazah Kehormat kepada tokoh dalam negara dan pembesar negara, ulasan daripada KDN atau semakan keselamatan PDRM, semakan integriti SPRM dan laporan insolvensi MDI perlu dikemukakan.
 6. Pihak JPT akan memproses permohonan yang dikemukakan setelah mendapati semua maklumat yang dikemukakan oleh UA adalah mengikut aturan yang lengkap.
 7. Keputusan permohonan akan dimaklumkan kepada pihak UA setelah mendapat perakuan daripada Menteri Pendidikan Tinggi.

CARTA ALIR



A. KRITERIA AM BAGI PENGANUGERAHAN IJAZAH KEHORMAT

Bil.	Kriteria	Ijazah Kehormat Kedoktoran	Ijazah Kehormat Sarjana
1.	Ijazah Kehormat dalam disiplin yang ditawarkan di UA berkaitan	√	√
2.	Mendapat perakuan integriti, keselamatan dan insolvensi	√	√
3.	Pengalaman dalam bidang berkaitan	>20 tahun	>15 tahun
4.	Umur	>50 tahun	>45 tahun

1. Ijazah Kehormat dalam disiplin yang ditawarkan di UA berkaitan

Merujuk kepada penganugerahan Ijazah Kehormat yang diberikan perlulah mempunyai program akademik sedia ada yang ditawarkan di universiti berkaitan.

2. Mendapat perakuan integriti, keselamatan dan insolvensi

Merujuk kepada semakan integriti kes rasuah daripada pihak Suruhanjaya Pencegahan Rasuah Malaysia (SPRM), tapisan keselamatan daripada Polis Diraja Malaysia (PDRM) dan laporan insolvensi daripada Jabatan Insolvensi Malaysia. Bagi calon antarabangsa, perakuan daripada Kementerian Luar Negeri perlu dikemukakan.

3. Pengalaman dalam bidang berkaitan

Merujuk kepada jumlah tahun pengalaman calon dalam bidang penganugerahan Ijazah Kehormat.

4. Umur

Merujuk kepada umur calon sewaktu penganugerahan akan diberikan.

B. KRITERIA KHUSUS BAGI PENGANUGERAHAN IJAZAH KEHORMAT

Bil.	Kriteria	Ijazah Kehormat Kedokteran	Ijazah Kehormat Sarjana
1.	Sumbangan dan impak dalam bidang	Perlu memenuhi 5 daripada 7 kriteria	Perlu memenuhi 3 daripada 7 kriteria

Sumbangan dan impak dalam bidang

Merujuk kepada tahap sumbangan dan impak dalam bidang penganugerahan calon berkaitan yang perlu meliputi kriteria-kriteria berikut:

- i. Calon telah memberi sumbangan cemerlang kepada Masyarakat di peringkat antarabangsa/ negara;
- ii. Calon telah memberi sumbangan cemerlang kepada kemajuan ilmu di peringkat antarabangsa/ negara;
- iii. Calon telah memberi sumbangan cemerlang kepada perkembangan dan penyebaran pengetahuan;
- iv. Calon telah memberi sumbangan cemerlang kepada universiti berkaitan di peringkat antarabangsa/ negara;
- v. Calon berupaya menaikkan citra Universiti atau dapat mewujudkan jalinan perhubungan antara Universiti dengan badan luar;
- vi. Calon telah memberi sumbangan cemerlang kepada bidang penciptaan yang memperkaya budaya; atau
- vii. Calon merupakan seorang tokoh yang dihormati dan boleh dijadikan teladan dari segi personaliti.

Nota: Jabatan boleh mempertimbangkan calon yang tidak memenuhi kriteria am seperti di perenggan 3 dan 4 **Lampiran C**.